



SAVEZ SAMOSTALNIH SINDIKATA
BOSNE I HERCEGOVINE

CONFEDERATION OF INDEPENDENT TRADE
UNIONS OF BOSNIA AND HERZEGOVINA

Obala Kulina bana I, 71000 Sarajevo, Bosna i Hercegovina
Tel: +387 33 20 20 29; tel/fax: +387 33 22 61 71, 44 23 21;
E-mail: sssbih@sssbih.com, Web-site: www.sssbih.com

Broj: 01-III-113/18
Sarajevo, 27.03.2018. godine

VLADA FEDERACIJE BOSNE I HERCEGOVINE
n/r g-din Fadil NOVALIĆ, premijer

PREDMET: Reakcija

- Veza: Odgovor broj: 01-02-1042-110/17 od 21.03.2018. godine

Poštovani,

Povodom dopisa gospodina Iskrić Samira, direktora Ureda premijera, a vezano za naš dopis koji se odnosi na sazivanje sjednice Ekonomsko-socijalnog vijeća za teritoriju FBiH imamo potrebu da ukažemo na nekoliko bitnih činjenica. Naime, na sjednici Ekonomsko-socijalnog vijeća za teritoriju FBiH održanoj 10.10.2017. godine usvojen je zaključak kojim se podržava Prijedlog da se socijalni partneri ponovo sastanu i razmotre primjedbe i sugestije na predloženi tekst Zakona o zaštiti na radu. Postupajući po ovom zaključku predstavnici sindikata i poslodavaca održali su sastanak gdje je konačno usaglašen tekst i dogovoreno da se kao takav ponovo razmotri na ESV prije negao što Vlada FBiH utvrdi Prijedlog Zakona o zaštiti na radu, a što je i bilo predviđeno na dnevnom redu sjednice ESVFBiH zakazane za 30.11.2017. godine. Unatoč tome, Vlada FBiH je bez saglasnosti ESV utvrdila Prijedlog Zakona o zaštiti na radu na svojoj sjednici održanoj 08.02.2018. godine i uputula u parlamentarnu proceduru, pa ne stoje navodi gospodina Iskrića da je bespredmetno da se tekst ovog zakona ponovo razmatra na ESV.

Uprkos tvrdnji gospodina Iskrića da u skladu sa Zakonom o radu, sindikat i poslodavci utvrđuju najnižu platu, svjedoci smo najnovijeg dešavanja oko raskidanja Općeg kolektivnog ugovora za teritoriju FBiH od strane Udruženja poslodavaca, što za posljedicu ima da se ne zna kolika je najniža plata u Federaciji, niti se zna koji je to iznos minimalne plate na osnovu koje je poslodavac obavezan uplatiti doprinose. Sigurni smo da će zbog ovakvog odnosa poslodavaca penzioni sistem imati nesagledive štete čime će se dovesti u pitanje isplate penzija trenutnim ali i budućim penzionerima. Podsjećamo Vas da je Konvencijom o minimalnoj plati utvrđena obaveza svake države koja ratifikuje ovu Konvenciju da osigura sistem minimalne plate, što je u konkretnom slučaju cijeneći novonastalu situaciju izostalo bez ikakvog opravdanja.

Kada je u pitanju socijalni dijalog, Savez samostalnih sindikata BiH nema ništa protiv pregovora o granskim kolektivnim ugovorima, međutim socijalni dijalog ne vodi se samo kroz pregovore o granskim kolektivnim ugovorima, već i kroz Ekonomsko-socijalno vijeće gdje se pregovara i o drugim zakonima i normativnim aktima koji se odnose na prava radnika, pa je sasvim opravdan naš zahtjev za sazivanje sjednice Ekonomsko-socijalnog vijeća koja nije održana već 5 mjeseci. Potpuno se slažemo da se prilikom zakazivanja sjednice ESV trebaju poštivati procedure u pogledu usaglašavanja dnevnog reda za koju smatramo da je u konkretnom slučaju u potpunosti ispunjena, budući da prema Poslovniku o radu ESV-a, predsjedavajući ESV predlaže dnevni red, a isti će biti usvojen tek kada ga ESV prihvati konsenzusom. Međutim, neprihvatljivo da bilo koji socijalni partner daje sebi za pravo da

ocjenjuje da li neki od socijalnih partnera ima legalitet i legitimitet. Podsjećamo još jednom da je Delegacija Saveza samostalnih sindikata BiH u Ekonomsko-socijalnom vijeću za teritoriju FBiH formirana i utvrđena odlukom Glavnog odbora Saveza samostalnih sindikata BiH, te da tu odluku trebaju poštovati ostala dva socijalna partnera. Savez samostalnih sindikata BiH se nikada nije miješao u izbor članova delegacija u ESV kako Vlade FBiH tako i Udruženja poslodavaca FBiH pa prema tome očekujemo isti odnos druga dva socijalna partnera prema sindikatu u skladu sa konvencijama.

Zbog svega gore navedenog, smatramo da su svi argumenti gospodina Iskrića neutemeljeni, te Vas pozivamo da se konačno Vlada FBiH suzdrži od iznalaženja koekakvih izgovora za neodržavanje sjednica Ekonomsko-socijalnog vijeća za teritoriju FBiH, već da socijalni dijalog shvati kao ozbiljan proces koji je nužno potreban za očuvanje socijalnog mira ali i ekonomskog napretka Federacije BiH.

S poštovanjem,



PREDSJEDNIK

mr. Ismet Bajramović

Dostavljeno:

- naslovu
- Vesko Drljača, ministar Federalnog ministarstva rada i socijalne politike- na znanje
- a/a